

A Monthly Christian Magazine


AN ORGAN OF THE ZOU PRESBYTERIAN CHURCH SYNOD

Christian Tangkou

ယၢဝါၣ်ကၢၣ်တၢ်ခိၣ် တၢ်ခိၣ်ပုၣ်ယၢဝါၣ်

Vol. 60 || No. 03

March, 2024



Editor: Rev. Dr. Hangpi Manlun

Synod Kumpuon

Pasian pomtah kithoina

[Rom 12:1]

Khristian Tangkou

Vol. No. 60 || Issue No. 03 || March, 2024

A sung thu

Editorial Board

Editor : Rev. Dr. Hangpi Manlun - 9862910875
 Joint Editor : Rev. Zamlianpau - 7629978067
 Cir. Manager : Upa Jamsianmung - 9862086615
 Bus. Manager : Upa Kamgenpau - 8974612937
 Ms. Niangkhanmang - 8787560139
 Nh. Tracy Niangsuannuam - 8731863384
 Nh. Suanneiching - 8787790520

Cont. Editors : Rev. Awnkhankhup - 9383114081
 Rev. Khupsianlal - 8974749874
 Rev. Khamchinkhai - 8730933744
 P/P Samuel Khamsuankhai - 8413817483
 Upa Khupsuankham - 9863193371
 Upa Tualkhanpau - 9862956570
 Upa Thangzasuan

ZOU SYNOD ULIENTE

- **Moderator:**
Rev. P. Ginzalal
- **Moderator Elect:**
Rev. Kaimuanlal
- **Secretary (Sr):**
Upa Ginsuankhai
- **Secretary (Jr):**
Upa Kapkhanhau
- **Treasurer:**
Upa Thangchinpau
- **Statistician:**
Upa Chinkhanpau
- **Executive Secretaries:**
Rev. Dr. Hangpi Manlun
Rev. Zamlianpau

- Editorial..... 01
- Thu tuomtuom & Thumpi ding 04
- Kipah thugenna 06
- Mun siengthou a ding na hi 09
- Jawlnei Jonah..... 11
- Na melmate uh tung ah melma..... 13
- Kross-Pasian itna suhlatna..... 15
- Ka Mangpa zep in Kross ah17
- Suunna..... 22
- ZPWF Column 23
- ZPYF Column..... 24

Copies - 1000

AMAN

Kumkhat ah	- Rs.	100
Post ah	- Rs.	200
Copy khat ah	- Rs.	10
Life Member Fee	- Rs.	1,000
Patron Member Fee	- Rs.	2,000
Memorial gift	- Rs.	2,000

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



EI A DING IN MANGPA HOI HI

(Sam 100:5)

Pulahna.

A tung athulu bangin ithupi uh, “Ei ading in Mangpa hoi hi” Sam 100:5, na pansanin ikikum ding uhi. Tam khawvel itenna mun khu nichin hun chin a shina man na leh thusia lasia kiban tawl na leh sa-le-gal lah a damna hinna hing pie i bieh Pasion min i phat uhi. Tualeh Kaalate 3:22, “Mangpa khotuona zieh a nehmang a umlou ihi, aziehpén alainatnate a zua ngaisih hi. Zinmong chin in atha zing hi...” achi bang in ithinkhuo ang musah jeljel hi. Tuaban ah imi-le-sa tamtah leh it-le-ngai tamtahten jong shina hanmuol ang muollien san nua ua, eiten tambang ni loupi imuthei ziehin un jong Mangpa hoina zieh ahi ichilou thei sih ding hi. Tuate ban ah, idu ingai nethei a, daileng thei, zun tha thei leh natna huaisie thuohlou a ium ziehun Mangpa ei ading ahoi hi.

1). Ei a ding in Mangpa hoi hi, Azieh ahileh ahundamna silthawnpieh ang pieh ban ah ata nu/tapate ding a ang siem zieh in.

Mangpan tam khawvel leh asung a sil umzousie asiemlaiin, akam a thuin asiem a, hing um hen achi leh ang um mai hi. Ahin nang-le-kei hundamna ding ang siemsaah lain atapa sisan toh ang tat ziehin ei ading in Mangpa hoi hi Nasepte 20:28. Thamlouin, Mangpa Jesun jong hinna khat maimai anei khu nang-le-kei kumtawn gotmun meidil aumding lai ang lungsiet sengseng zieh a, ahinna ang pieh ban ah, Apa gam a siempu ding a ang siem ziehin ei ading in Mangpa hoi hi. Aman “Min alawm ading ahinna apieh val a lungsietna sang jaw aum sih” achi hi. Steven in, Mangpa thuohna angaitua chieng in, “Shi ding a kilawm kei ka hintheina ding in, hing ding a kilawm ashi hi” achi hi. Tuachin, Ama gingtate leh

nuazuite ihi ua, Kumton hinna laibu a, avan gam luo ding a imin jong ang chiemte pieh zieh in ei a ding in Mangpa hoi hi. Tambang ihitheina ding a ei khawvel ning koi khat a umte khu Tuipi gal akipat ahing suikhia a, Apa gama hing teng sah Mangpa khu ei ading in thupi in hoina mai zen e maw. Evan. (Upa) Thawnkhansuan @ Pasuan, in athugen chia agen jing ka lungkhoi mama ahileh, “eiten i sui/zawn hilou a, ei hing suikhia/jongkhia Pasian” chia agen khu dih kasa mama hi. Tualeh ilawm iguol tamtah shina hanmuol liem a kumton hinna neilou aum lai ua, eite hing lungsiet dieh a, hinna ang neisah ziehin ei ading in Mangpa hoi hi.

2) Ei hattuumte khu Mangpan Israel tha ang pom ziehin ei ading in Mangpa hoi hi.

Mangpan tam khawvel a hundamna thu tangkoupi ding in leitung a chi-le-nam tamtah lah ah, Israelte ana tel in ana bel guot hi. Ahin, Amauten Mangpa lemguotnate na supiching zoulouin ana umtah ziehun, Mangpan amaute tha heng ding in atapa sisan toh ei hattuumte ahing lei in ang telta hi. Tualeh ei hattuumte khu tahsa-le-sisan dan hilouin, ginna toh Israel tha ihita ua, ban ah Abraham tate jong ihita uhi. Muthei leh sisan a ihina mai uh ahisah a, ginna leh mutheilouin ihi jaw uhi. Tambang lawmlawm a din mun tha a hing ding sah Mangpa khu ei ading in hoi hina mai zen e maw!

Thamlouin, Amou siengthou ding a ang tel hattuumte zong ihi uhi. Van Jerusalem tha kotpите ah Israel Nam sawm-le-nite min akigiel chiet uhi. Ahin ei hattuumte khu nikhat nichiang in Mangpa Jesu mou siengthou dingte ihiziehun, Ama toh van lai jawl ah ikiteng ding ua, thamlouin, tuami kot sawm-le-nite ah Mangpa Jesu toh mou poi Anna za luina neding a alut dingte ihiziehun thupi in Mangpa ei ading in hoi na lawmlawm e maw.!

3). Mangpa Pasian in alim-le-mel sun asiem mihingte ihiban uah a Hagau silpiechte angpieh ziehin Mangpa hoi hi.

Mangpan ei mihingte khu ama lim-le-mel sun in ang siem ban ah, a thupinate ang kitanpi ngam ziehin ei a ding in Mangpa hoi hi. Eite satan khu Van Angel simseng louten atanpha lou ban ah masanglai misengthouten jong atangphah guollou itan ziehin ihampha uhi. Tuaban ah Van gam itunchiang un zong Van Angelte toh Mangpa phat a asun ajan a lamkhawm dingte ihiban uah Amaute khu eite nnasemtu dingte

ahizieh un ei ading in Mangpa hoi hi. Tuaban ah A Hagau Siengthou ban ah hagau silpiehte jong it lou a ei gingtute hagau khan letna ding leh a hattuumte pichinna ding ang pieh jiehin Mangpa hoi hi. Tualeh ginna mitam tah ding zoutalou a nuatol aum lai ua, eite tuni dong ama gingta thei a, ihundamna nna khu zau leh kiling kawm a semthei nalai a ang umсах ziehin ihampha mama uhi. Tuaban ah i Mangpa khu nang-le-kei ading a mun bawl ding a Van a vapei ahiban ah, nikhat ni chieng a nang-le-kei la ding a Mangpa hing peikia ding ahiziehin ei ading in Mangpa khu a hoi hi.

4). Mangpan kum sangni (2000)- val hattuumte hun angpieh ban ah, Amanggam nnasepna ding a hun hoi ang pieh ziehin Mangpa hoi hi.

Mangpa Jesu pien akipat tuni dong khu hepina hun or hattuumte hun leh Amang gam nnaseptheina ding a hun ang pieh lai ziehin in Mangpa hoi hi. Tuaban ah achingloute ching bang ahingbawl a Amanggam nnasem ding a hun hoi hun manpha ang bawlsah ban ah, aluongkhiethei hattuum a ang siem ziehin Mangpa hoi hi. Thamlouin nikhat nichiang in iseptha man itlou kei ang pia kia ding Mangpa inei ziehin Mangpa hoi hi.

5). Mangpan inichin mawna leh khelnate hing thuh lou a ang ngaidam jeljel ziehin Mangpa hoi hi.

Mangpa khu lungsietna leh itna Pasion ahimbang ngei a ei gingtute khu achinglou leh hatloute ihiziehun inichin gitlouna leh khelnate uh Mangpan hing thuh lou a ang ngaidam jeljel Mangpa inei ziehun Mangpa hoi hi.

6). Mangpa innsung nuom tah leh tanu/tapa hoi tahtahte ang pieh ziehin ei ading in Mangpa hoi hi.

Tulai khawvel in sietna lam manaw akalsuon jungjung lai a, Khristian innsung nuom tahte ban ah tanu/tapate ang pieh ziehin ei ading Mangpa hoi hina e maw. Thamlouin, a enkawl thei lai ding a nu-le-pa hoi tahtahte ang pieh ziehin ilung dam mama uhi. Tuaziehin Sam geltuin a guoljawlna sim sengloute ziehin Mangpa bang ka pe dia achibang in itahsa, ihinna leh siemna pilnate Manggam nnasepna ding leh agam letna ding ipia ding uhi. Mangpan simtute zousie hing guoljawl jingta hen! Amen.

.....

Thy tuomtuom leh Thumpi dingte



1. Pasion lungsietna leh mapuina toh i gamsung buoinate kawmkal ah April 2024 ha ah dingin ei Khristian te a ding a Kut poimaw mama Palm Sunday, Good Friday leh Easter Sunday a hing nai kiata hi. Tam i Kut poimawte lawchingtah leh Pasion dei banga i zah theina dingun i thumna uah laan chiet va ui.
2. Tribal zousie kipumkhat a, tup kibang a, a tawp tanpha tuibang i luonkhawm ua Saperate Administration i mu theina ding un theitawp suo in thum va ui.
3. I kingatna pen uh Pasion i biehh ding bang tah ua i biehh ua, a nna i sep theina ding un i gam Central Government Vaihawmte a ding in thum va ui.
4. I gamsung buoina zieh a thalemat tuoh a hinna taante tengteng i suun mama ua, a Innkuonte un hamuonna a nei theina ding uleh liemlebai tuoh a Damdawi Inn a kienkolte zousie a hing damsienng theina ding un i thumna uah thumpi va ui.
5. Maban ah India Phuolpi vaihawm ding kitelna thupi tah um ding ahina ah, mihing deina bang hilou a, Pasion deina bang a vaihawmtu ding teldoh a hing um theina dingin thum chiet va ui.
6. I gam buoina toh kisai a Lamkai tuomtuom kituoh tah a vai a hawmkhawm theina dingun thumpi chiet va ui.
7. India gam sung mun tuomtuom a Khristian te soisahna gen ding um zel ahina ah, Pasion venbitna zal a i Pasion uh i biehh ding dan tah ua i biehh thei ua, Manggam i kehlet theina dingun thum zom zel va ui.

8. February 26, 2024 a kuonkhie in Missionary Tongminmuan leh a innkuonte a umna ding Tripura Mission Field ah Rev. Zamlianpau, Executive Secretary, Upa Chinkhanpau, Synod Statistician, Rev. Khupsianlal leh Upa Kapsuanthang-ten vakoi ua, Gingtha umte zong Baptisma piehna hing nei ngal uhi. Missionary pa leh a innkuonpate thumna ah del zui va ui.
9. March 18, 2024 in Lamka a kipankhie in Missionary T. Kaplunmang Zou a umna ding Jangbey Mission Field a koi in Rev. Dr. Hangpi Manlun, Sr. Executive Secretary leh Upa Thangchinpau, Finance Officer te vakalsuon uhi. i Missionary te uh i thumna uah delzui chiet va ui.
10. Hun sawt tah Laisiengthou lei ding umlou a a um nua in Zou Holy Bible Translation Committee saina toh Copies 7000 sut zou ahitoh kituoh in Synod Office ah bu khat ah Rs. 300/- a lei thei ahita hi.
11. Presbyterian Church of India, Maukot (ZPCS) in Biehinn tha a lam zou uh toh kituoh in March 17, 2024 (Sunday) in Rev. Khupsianlal in ahonna leh latna neita hi. Tam hun ah Synod min in Office Bearer te zong vakalsuon ua, Wqall Clock khat leh Labu-5 kipie hi. Hattuumte Mangpa minin i kipahpi mama uhi.
12. Tu kum gamsung buoina ziehin kum dang a na kibawl zel ZPYF Seminar pen ahun tah a kibawllou in March 21, 2024 (Thursday) in Presbyterian of India, Zomi Colony (ZPCS) ah One Day Seminar nei ahia, tuanah “Khristian Khanglai leh Social Media” chi thupi zangin Dr. S. Thangboi, Assistant Professor, DM University in Seminar paper khat la in “I Gam buoina leh Khristian Khanglaite dinmun” chi thupi a zang in Upa Khaiminlian, Assistant Professor, Churachandpur College in Seminar Paper khat la in lawchingtah in kizou thei hi.
13. March 11, 2024 in Synod milesa hilou Pawl dang mi, i gamsung buoina zieha hin galtai a, Synod hing belte panpina Anntang hawmna Synod Office Bearers te vaisaina toh kinei hi.
14. I gamsung abuoinate a hing ven a, hindan ngaina i zah thei kiana dingun bangkim bawltu Pasion kung ah chitahtah in thum chiet vai.



KIPAH THUGENNA

By:- Upa Khupsuankham

Thumapui:

Kumtha imutheina dingin Ha 12, Nipikal 52 leh Ni 365 abeiphot angai masa hi. Tam kumlui a hasatna leh buoina zousie hing palgalkapi a, Kum 2023 mel hing musah i Mangpa Pasion kungah kipahtu igen masa uhi. Vangsietna leh kipahnate ituoh touzel ding uh ahia, tuate maituo dingin kisakholsa in um vai. Proverb in, “Ahoipen ding ngaituo inlen, asepen maituo dingin kigingkholsa in um in” Paul in tasamtah a umdan ka siam a, kiningching taha umdan zong kathei a, gilva leh gilkiel a umdan zong ka zilta a, keima hing hatsahpa Khrist ziehin sil zousie ka bawlthei achi bangin, Jesu masuon in kumtha lamdawn siem vai. Paul in Phillipi te kungah Pasion apata guoljawlna natante uban ah zong kipahtu gen un achi hi. Saptan a innsung uah athaw alup chiengun zingkalpa leh nitahpa akichi zel uh bangin, eite’n zong chingthei dingin kumtha tungtawn in ikichiel uhi.

1. Kipahtu gen khu mihing a ding a hamuonhuoi leh ihinna hatsah pen zong ahia, Bible ah zong imutam ua, Sam laibu leh Paul laihachte ah imutam deu uhi. Israelte laha siempi Levite a dingina zingmawng leh nitah chin a anasep ding uh (Work Programme) ah KIPAHTHU azeptel uhi (I Cro.1 23:30).

Jesu Jerusalem lam zuon a apei lai in mipha 10 in ana lamtua ua, asudam sah sieng a, amaute lah a khat in Jesu kung ah vapei zinzen in, “Kipahtu” avagen lai in, Jesu’n mi 10 damseingta hilou nahi uh ahie? Mi 9 te khu hei tah a um ata uoi? chi’n ana didng hi (Luk 17:11-18). Paul in, guoljawlna nempidong napia kipahtu dan theiloute khu

“amibanglou” ahisih leh migilou zong chithehi hithuoi a, achi hi. Paul in Kolosate kungah kipahna dan zong thei talawm ve uteh, achi hi. Kol. 3:15. Pasion in guoljawlna tampi ang pieh ban ah ang pieh nalai ziehin kiphtu igen ding mawng uh ahi, achi hi. Kipahna dan theite khu amau tantoh a lungkimte ahi ua, a en huoi pente ahi uhi. Tuaziehin Ama hing lam-et bangin eite’n zong Pasion kungah kipahtu gen vau. Pasal khat sing-atna vui toh kimawl thiu theu in laa tambang in asa hi:

“Mite’n lah kei hing englou, ken zong koima englou”.

Mihing te’n ihamphatna lam mutheilou in ivangsietna lam maimai imuthei zaw uhi. Pastor

khat nupi tetoh Seminar nei in ahoulim ua, Pastor pa'n akung uah, Pasion a na kipahna khat chiet uh hing gen un achi a, koima khat in zong adonbut sih ua, tuabep in Pastor pa'n ahileh na kunga tou nupi nalawmnu hamphatna khat hing gen chiet vawi uta achi leh,

i) Nupi khatna in, ka lawmnu banga kadudu kanehthei taah in getding kahau ngelsih dieie? achi hi. ii) Nupi nina in, tam kalawmnu banga ka pasal toh ka kizui kawikawi thei tah in gen dinghau mavang e, achi hi. iii) Nupi thumna in, ka lawmnu bang a neh leh tah kitasamlou hileng getdi ka hau tham sih diei? achi hi. iv) Nupi lina in, agen masanu akhut a kawhphei in, ama tate banga kataten kathu thu aman taah un, kipahthu gen ding nempineita zen vang e, achi hi.

Tam sunga igen nuompen khu eima guoljawlna itan pen kimutheilou in “Midangte guoljawlna a dawnte uh mu nuom isa leh bung uh zieh a kipahthu gen ding imu zoulou uh thu ahi” chi ang kiphawhsah hi.

2. Paul in, Thesalonika te kung ah silbangkim ah ‘kipahthu’ gen un, tam khu noute a ding a Khrist a Pasion deilam ahi I Thes. 5:18. Eite'n inntha, loutha, kari tha leh vanhoi tuomtuom inei ching mai a, ‘kipahthu’ gen ding isa ua Paul

in sil zousie a kipahthu gen ding in ang hil hi.

i) Kumtha ang musah ziehin, ii) Inn leh lou ang pieh, iii) Chidam ludam a ium ziehin, iv) Ne-le-dawn, sil-le-tente ang pieh ziehin leh v) Atapa ang pieh ziehin.

Pasion kunga i thum chiengin zong “kipahthu” genthei ding in kisia vai. Tualeh “thu inget chiengin hing pie in, hing bawlsah in, ahisih leh hing lawchingsah in”, chia inget gige pen i Pasion a dinga zong khutdaw gingtu hi khah ding zong a zauhuoi hi. Sam laibu gieltu in, “Ka tunga sil nempie abawl zousite ziehin, Mangpa kung bang ahe ka piehthuh thei ding? Hundamna nou ka la ding a, Mangpa min kalou ding hi. Mangpa kunga ka thuchiemte amite masang ah ka tangtun ding hi (Late 116:12-14).

3. Pasion kunga i lungdamna khu ikamteng ah igen huntuh mailou in nasep leh silpieh leh khovel mite mudinga ikilatsah ding uh ahi. Laphuohtu minthang Issac Watts in,

“Sietlei pumpi kei a hileh, sillat ding in hawmthaw lai in; Ahing itna lien in tuh e, Hinna hagau, ka pum in phut” Labupi No. 119.

I chidam a bangkim a ilawchin chiengin ilungsim anuom a, ikipahzel uhi. Hinanleh

vangsietna leh tahsapnate'n angtuom chiengin kipah dan siem zong hamsa isa ua, hinanleh guolnei Habakuk in, "Theipi kung pahsih hen len, Grape guite ga sih henlen, Olive sepgimna guosuo in, tualeh lou ten neh ding piengsahlou in, ahuong apat ganhonte suhbei aum in, bawngbuhte ah ganhonte umnawn sih nanleh tuachieng dong in zong Mangpa ah kakipah dinga ka hundamna khu Pasion ah ka kipah nalai ding" achi hi (Hab. 3:17-18).

4. Paul in, zummaw thu leh silmothuoi a houlimnate shisih leh chiemmui thanguoite akilawm lou ahia, tuate sangin "Kipathu" genzaw un Eph. 5:4 i hunlui mandante entha zel vai in ahoilou Pasion mitmu in zong sesam sihva ichite sunzomin Pasion mit zong tungsihva ichite nuasie a, a hoilam bawlzom zel khu 'silhoi bawl' ihi uhi. Sam 37:3; Heb. 13:16 i etleh silhoi leh neisa mi hop ding manghil lou ding, tua khu Pasion kipahna ahia, tualeh Pasion in asilsiemte asiemlai in a semzom sih a, ahoi nai chi'n a enkai vadep a, man e achi chiengin anasep a sumzom a, ani sagi ni in akhawldam ta Gen. 1:31. I hunlui a ibawlsiette paia ahoilam a bawl khu silhoi bawl ahina uh ahia, tammi dinga Pasion in Kumtha ang musah zong

himaithei ahi.

Guoljawlna itan nuachieng mai a 'kipahdan' ithei zel ding hilou in, kinepphahlou lam leh ideilou lamtah a silte itunga ang tun chiengin zong 'kipahtu' gen ding hilou in, i kinephahlou lam leh ideilou tamtah a silte itunga ang tun chiengin zong 'kipahdan' ithei zel ding uhi. Lawpsapnate, natnate leh shina tanpha ah zong Hakakuk bang in, "Ka hundampa Pasion kungah, ka kipah nalai ding hi" a chi hi.

Peter in nasatung ua sillamdang leh ze-etna ang tun chiengin sil kidang khat or natna zauhuoi khat hing tung hitava chi'n patau sih un, Jesu Khrist thuohgimna nathuohpi na uh ahia, achi hi (IPet. 4:1-12). Pastor khat in a thugenna ah khowel mite toh ikibahlouna uh khu, "Ei gingtute'n dammawna leh shina tan a kipathu igenthei uh khu iki khietna uh ahi" achi a nupa khat in apientha law a kichi hi. Mit a muthei guoljawlnate mai a kipathu gen mai ding ahisih a, hamsatna leh thuohnate ah zong kipathu gen zel lei tuakhu Pasion kipahna ahi. Sawltah Paul in, "Nabawl tapou ah, thugen hi'n nasep hitaleh abawn in Mangpa Jesu Khrit min in, Ama zieha Pa Pasion kungah kipahtu genkhawm in bawl un" (Kol. 3:17) a chi hi.

Thuzawna:

Kumpi David in Mangpa puina leh umpina lamdang tah a tante ziehin kipahtu agen a, amale-a innkuonte koi ahi ua, tamtan a Pasion in apui, chi'n akikou hi.

Mangpa umpina idawnte zieh a kipahtu gen in kumtha, hatha leh nitah hing musah i Pa Pasion kungah kipahathu igen ding uhi. Mangpa'n athu guoljawlta hen, Amen.



MUN SIENGTHOU A DING NAHI, NA KEDAP SUOH IN

By:- Upa Chinsuanhang, Tangpijol

“Noute siengthou un, kei ka siengthou hi, (I Peter 1:16). Pasion hing leh siengthou pa nna semtute ihi man un, Siengthou ding a hing phut ahi. Tam siengthou na in Pumpi siengthouna, lungsim siengthouna leh gamtat siengthouna ahuom sieng kei ding hi. Pasion in “Mosi”, na kedap suoh in, na dinna mun munsienghou ahi achi hi. Tami mun siengthou in, a dinna mun gam lah/lei lah siengthou chi sang in, Pasion toh akizopna uh a kal thu uh gen hizaw ding in a gintat huoi hi, a siengthou pa toh ki-zom ding in, eizong i siengthou poimaw ahidan hing zilsah hi. I Laisienghou ma in, “Pasion hing temple leh Hagau Siengthou tenna temple nahi uh, achi hi. I dinna mun, isepna mun, itenna mun sang in a poimawi masa zaw, eima ma siengthou masa ding ahi. Pasion toh ikizopna hing dan i kepdap niin pen isuoh phot a ngai hi. Etsahna in mite zu zuohna mun ah avahaw thei ua, Pasion thu va genthei ua, kizuohna inn ah vahaw thei ua, Pasion thu ma vagen thei ua, nang zu zuohna mun a na vahaw chiengin zu lei in va dawn khazel, kizuohna mun a nava haw chieng in valei in valuppi kha zel nahi leh a mun sang in nang mimal siengthouna a poimaw china ahi ve le maw? Tuabang nahileh Pasion tenna temple nahi chi na kithei chien a, Pasion tenna taah ding a na kikep siengthou a poimaw hi.

Tuaziehin, Sawltah Paul in, “Na pumpi uh kithoina hing leh siengthou Pasion pomtah, hidingin kilan un’ ana chi hi, ei Pasion tate pen khovel mite toh kibang lou, atuom dei a i um ngei ding ahi. II Kor. 7:1, na ah

tuaziehin unaute aw, eiten tam bang thu chiemteinei zieh un, Pasion giinna a, siengthouna bukim in, tahsa leh Hagau a buanate a pat ikisusiengthou ding uhi, achi hi. Tahsa-le-Hagau subua theite tamlou khat tahlang lei, Number 4, Zu, Zatep, Dummuom, Khaini, Tuibuh, Talab, Nganja leh

a dangdang hilou ding ama, Awle nang hoina sana ama gingtute/ mipiangthate bawl dia kilawm lou Setan vanzah poimaw te ahi chi thei in.

Tualeh, I Johan 3:3, na ah i en kia ding uhi. Tualeh mi chin Ama akinepna nei pouma, ama a siengthou bang in a kisusiengthou zel hi, nang na kisusiengthou zel ei, Hebru 12:14 na ah en kia lei bang chiin agen ei mizousie toh kilemna leh siengthouna del un, tua siengthou na lou in koiman Mangpa a mu sih ding hi. Siengthouna ma poimaw hive aw. Siemchilbu 35:2 na ah bang agen ei en kia vai. Jacob in a innkuonpите kung leh akung a um zousie kungah “Na lah ua gamdang Pasien umte paimang unlen, kisusiengthou un len, tualeh na puonsil uh heng un, achi zel bang achina adiei nang gingtu Pasien in Mosi kungah Israel mipite kung ah gen in Kannan gam lut ding nahi ziehun na kisuhsienghou ding uh achi zel hi. Lei Kanan lut dingte bawn a kisuh siengthou ding uh Pasien in ngai poimaw ahileh gingtu/mipiengthate van kanan gam lut ding hi ikisuh siengthou ding poimaw hive aw.

I Thes. 4:7, na enkia vai a ziehpen Pasien in a sieng lou ding eite ahan sih a, a siengthou ding in ahing han zaw hi. Tuaziehin tam

thuhilna nual mi in mihing nual ahi sih a, Hagau siengthou eite hing pepa nuol ahizaw hi. Tami Laisienghou thugen pomlou zuilou a idu i ngai teng ibawl a tampite in ihutdamna dallou chi in eima deidan a siemtan kitum chi pen thudih hilou in Paul in nou dan a siemtan tumte aw Khrist hepina na puosan ta uhi achi hi. Eima deidan a siemtan tuppen mihing nuol ihi sih ua, Hagau siengthou hing pepa Pasien nuol ihi chi kithei in.

Pastor khat lampi a apei leh lamgei ah Beri tawng sau simkhat amu a, tawm utsim lah tawmsam lou a apei zel leh tua Beri tawng pen in ta-na nang hing ngah a um kahi chi aw dam deu khat za in tua aw a zah chiengin ama zong nuakia pai vingveng in a, Beri tawng tawm din akisah leh Jesu aw damdeu aza in kei sang a ta Beri tawng it maw chi aw a zah chiengin e hei Mangpa nang kang itzaw hi chi in tawm nonlou in ama lam anaw chi thu kigen khat um hive aw. Ei lawi in itep, imuom te Jesu sang in itzaw hilei kilawm Setan pie mama Pasien dou ngam pa thang kam/sie ah gingtu tamtahte i oh na uh tua tung a igente ahi, ei mihingten zong vagih, Aapa, Mengkeng te matna dingin metang thang isilkam ua vate du dingin Anta te ita ua, vagih, Aapa, Mengkengte imat bang un Setan in zuduna annta, zatepduna

annta, khaini duna annta, tuibudu
a, gingtu tamtahte ang manzel hi.
Setan gal hangpa izaw na ding un
(The whole Armour of God) Pasian

galvan la lei izou ding uhi. Simtu
zousie Pasian in guol hing jawlta
hen. Kipah ing.



JAWLNEI JONAH

By:- Upa P. Khamminpau
S. Vengnuam

Kum 2023 leh Kumtha 2024 Khristmas leh Kumtha zangzou a tam
tan hing pui tung pa i bieh Van Pasian in minthanna leh thupina tang
tawntung ta hen, Hallelujah, Amen. Tukum i gam leh inam buoina ziehin
Khristmass leh kumtha nidang hun dang toh kibangta lou ahi man in
it leh ngai uleh nau ten igam leitang huhna dingin sisan leh luong leh
ban toh ana huh man in amaute zatatna lienpi leh zatatna 2024 kumthah
chibai ka buh hi.

Thou inlen na Pasian han/
sam in aman eite manthailouna
ding ahing ngaituo kha mawdiei
mah achi hi (Jonah 1:6). Thou
in chi thumal (2)- vei a um hi.
Dingkhia inlen Ninevi te gitlou na
kamai a hing tung tou ahiman in tua
nah vahoh in la mawsah thu vagen
in chin asawl hi.

Khatna ah: Jawlnei Jonah
hi Amitai pa tapa ahi Ninevi khopi
a Pasian thu tah gendia Pasian
mama in asawl ahi. Antenna khuo
ahileh Nazareth khuo kung nai
a um Gath Hephher ahi (2 Lengte
14:25). Jawlnei Jonah kung ah
Mangpa thu ahing tung a Jonah
in a lou thei lou in Ninevi khopi a
Pasian thu agen ding a louthei lou

ahiman in akuon ngai hi. Pasian in
a mi Israel te puiding in Mosi ahah
lai in Mangpa kei mi dang-awh
kahi thu gentheilou ka hi. Midang
sawl mai in chi suonlam nei hi.
Aigupta gam sung a pilna tengteng
sinpa zilpa in Pasian kung ah kei mi
dang-awh pi kahi midang sawl mai
in chi adiei Mousi hi Pasian mai
a ding dinga akingaituo chiengin
ching akisa sih hi atheina leh apilna
suontham ching in angaisut sih hi.
Aigupta gam a pilna leh theina a
na sinpan mitphiel doi thu zong
ana sin kha ngei ding in keima
ngaitua in kangai sut hi. Mousi
bang a India pilna leh khovel pilna
zousie zil zou hileh bangza in
suonlam leh paulam i nah hau ma
ding maw. Bible G. Th. izaw leh

ipawlpɪ tunga itheina suong sawm pawɪ loi ihi uhi. Pasion in Mousi a sawl lai in danthu leh danlou thu agen sih a, Aigupta gam apat in ka mi Israelte Kanan gam ah vapui in chi thu hilel hi. Laisiengthou in sil zousie khelna in asinkhum siengta hi achi. Tuaziehin dan thu pieh khu Jesu Khrist kungah hing tut ding a mawpuoh khat asuoh hi. Tuakhu ginna a siem itan theina ding uh ahing hita hi (Galati 3:24).

Nina ah: Pasion in Jawlnei Jeremiah ahat lai in ka naupang lua chin dawng hi. Jawlnei Jonah Pasion ahat lai in ut-le-ut lou thu bangma gentam selou in thumang tah in kuon pa tinten hi. Jawlnei Jonah Ninevi khuo a haw ding a hat a aumlai in nungngat san in peisan hi. A innsung miten Ninevi khopi a haw ding sahkhuo ding uhi. Tarsis kichi tulai in Spain ichi gam a um ahi. Jonah in Ninevi khuo thu avagen ut louna point bangzah ahiei um hi.

Point-1: Ninevi mite khu Israel te melma ahi ua, va hawta leh ana tat mai khah ding uh zau ahimai thei hi. Ninevi kho mite pen gilou mama kumpi gam khat Evil Empire chi akigen gam ahi. Bible sut mi siemten Jonah pa Amitai pen Ninevi khuo mite thahsah ahi chi uhi. Apa that tute khuo a Pasion thu vagen ding nah utlou luo hi ding hi.

Point-2: Pasion thu vagen taleh akisia ding ua Pasion in angaidam khah ding a deisah lou man leh Pasion in athangpaina toh gotkhom leh shimang sieng leh uh chi Jonah utna leh lungsim hikha ding hi.

Point-3: Israel gam sung ah um denta leh Pasion in hing muden ding a hing sawl teitei ding hi chi in Jonah in ngaisutna nei hiding hi. Tua ahi man in Israel gam puolam ah taikhiet san sawm hikha ding hi.

Na muphah louna ding ah paimang in ka um ta a hinanleh na biehinpi siengthou lam ka enkia ding hi chi in Jonah in Pasion kungah thu ngen hi. Kumpi David in zing hajah in tuipi top dong ah um nan leng zong tuanah nang na um zel hi achi hi. Pasion in umlouna a nei sih a mulou zong anei sih hi. Kanah hopset in hampan kasa pum a tuon hi chi hi. Tulai itenna gam leh tangte i et chiengin maw unau Jonah tuonna longpi tui in atup hieihiei toh bang in ipupa gamte melmaten hing tum hieihiei phiel toh kibang hi tua ahiman in thou ni hang in i Pasion hanthah ni sietna a imanthat louna dingin Pasion hanthah vai.

Jonah in Pasion kilepsan in kitheimaw bawl nan leh zong Pasion in amanghil tuon het sih hi. Jonah ngapi gilsung a leh tuipi thuh

sung ah a um vang in Jonah kungah Pasian a um Immanuel ikung ah a um hi chi manghil huoi lou hi. Unau achang chiengin Jonah bang in sietna khovel ium a a chang leh manthatna khovel ah itum hangin a sisan a tatsate ihiman in hing manghil lou ahi chi manghil sih hi. Unau aw Jonah in Pasian a kipan taimang ahi akithei tah in aman

ka gimthuohna ziehin Mangpa ka han a, aman ahing dawng hi. Sheol gilsung apat inka kikou khia a, ka aw ana za hi. Bang zatah in lungkham in beidong ahahsa sa in um nan lei zong ama ihatna pou leh ama eite kikouna aw za ding a abil eilam dawh zing ahi chi i manghillou ding ahi.

NA MELMA TE UH TUNG A MELMA KAHI DING HI

By:- Upa Thangzasuan
Kanan Veng

Hinanleh, Ama aw na ngaikhiet a, ka thugen zousie na bawl leh na mel mate utung ah, melma kahi ding a, nang hing doute ka dou ding hi. Mangpa Pasian in achi hi (Pawtdohna 23:22).

I Mangpa leh Hundamtu Jesu Khrist in, khelna zieh a dan nuoi a saltang eite, hundamna tang thei tading in ahing tandoh ta hi. Hinanleh agingta louten vang atang theituom sih ding uhi. Tualeh ei a gingtate zong khu hundamna tangta ihinai tuom sih uhi. Tuazieh in damlai gamdai ah gim leh genthei thuohin ikhosa nalai lai uhi. Damlai gam dai ipel masang un hundamna zong itang thei naisih ua, sa-le-gal zong abeithei nai sih hi. Tuaziehin tu in zong Meitei te toh iki dou lallel uhi. Kidouna pen ngap leh ngap kidouna a um a, min ahing bulu zieh a, alou thei lou a, dou ngai zong aum thei zel hi. Bangteng hita leh zong I Mangpa Pasian in

nang hing doute ka dou ding hi, achi ziehin ihamuong mama uhi. Mangpa min loup phat in umta hen, Mangpa Pasian in Adam pasal ana bawl lai in tenna dingin gam leh lei adei ding hi chi athei masah zieh in gam hum a galma a ding ngam dingin a na bawl hi. Humpi bang a hansen dingin akhamul zong apou sah hi. Hundamna Pasian gam itun masangsie un tenna ding gam khat apويمaw mama hi.

Tu a itenna uh Manipur gam pen kapu, kapa gam ichi lai un, Meitei ten gam tuom mi nahi uhi chi in thabei ding naw mang ding ahing sawm ta uhi. Tuaziehin ut leh ut lou thu umlou in, chin leh ha toh

pang in ina kidal ta uhi. Ama uh pen Milim bie ahi ua, Manipur a Nam tampen ahiban uah, thuneina sang pen tawi ahina lai uhi, phaizang gam neu nou khat ah, ateng dim pitphet uhi. Patung, Papah pouna ding zong ong nonlou bang ahi.

Ei singtangmi te pen Khristian ihi ua, Anam tawmzaw hinan lei zong gamlien dengdong pi uop in, iteng koikoi uhi. Tuapen unau meitei ten, thangching tangte, kailam tangte leh Hausapi vum a pan, mitnuoi zet in, ahinggal etet mai ui. Zougam huisi laang hiuhiau nuoi ah, Tumlam, Suohlam, Sim leh Mal lamte a en ua, Zougam hing ngiengei te leh lien dengdong maipi a enla mama mai uhi. Ama uh gam a Tui, Naang niainuoi leh san keikui toh ate uleh, Zougam damtui luong selsel te a am mama uhi. Tanglai Israel ten khuoizu leh Bongnoi luonna Kanaan gam agal et uh bangmai in, amu uhi. Manipur gam la hingal aten ding uleh thu aneikhum ding uh dan in phallou zel, tuami a imutmawna pen uh ahi khu tuazieh a Phuro, phuro, hatlo, hatlo ang chi uh ahi. Hinanleh Ama uh khopimi ahizieh un nuom asa mama ua, tuaziehin thau a toi ngai sih ua, zong akap ngai sih uhi. Akap kha sunsun ten zong a mit sinsa ua, akap uh ahi. Tuazieh a Commondote, amasot ngengngong uh ahi. hinanleh amaten zong mit-

hahsa in, akap ngam tuom veve sih uhi. Tuaziehin, asiempute, maibi, maibate aisan dingin asawl zel uhi. Amaibite un ei Pasion sangin ama uh Pasion hatzaw hi, kuonda mai un chinan uleh akuon teitei chiengun agintat uh bang lou tahin atuoh sie ua, alung tang uh khuoinun bangin azun mangta hi.

Mangpa Pasion in nou hing doute ka dou ding hi achi atahtah a atangtun sah tah ziehin hattungnung Pasion amin loupi kaphat uhi, tutung ibuoina pen tanglai Israelte leh Philistia gal bangin kangaituo hi. Aziehpén Milim bete leh Khristian kal ahi ziehin Pasion lem guot hiva kachita hi, eiten Pasion thu i awina uh kumza val ta a, ama un tu nitan tan a Pasion Biehinn ahalna lai valong uh khoikom a gotdan siem pa bawl nuom khat nei hiding ahi.

Akhatna ah, tutung ibuoina galpi pen Meitei te a ding a Missionary huoisie hing suoh mai thei ahi. Hattungnung Pasion mel, amuna uh hing suoh mai thei ahi. Anina ah Ei singtangmite a ding a lungmuongtah a itenna ding leh ama Pasion iphat theina ding gam khat hing pe ut himai thei ahi.

Tuaziehin, tutung kidouna pen thanop huoi kasa mama ahi. Ei gingtuten Pasion gal idou chieng ua, Numei, Naupangte leh tehsete

suhgenthei lou ding ahi, tualeh numei tunga tatsiet lou ding ahi, ei hing giing a taite zong nua deldel lou mai ding ahi, tuahileh Mangpa alungdam ding a, mit sinsa a thaukapte tung ah guolzawna puonlap hing domsang sah ding ahi. Mangpa kung ah hamtap kia na lai va ui, Mangpa Pasion in Kanaan gam hing pe ding ahi, hing pe ut ahi, tuaziehin Khanglai te aw

lungke lou in hing pang ta un ishi leh zong shi manpha ahi ding a ihin leh zong gam ei a hing hiding ahi, nam sau hiem ziehin gal akizou tuom sih a, sakol tai hat ziehin koima abit tuom sih hi. Mangpa muongten guolzawna tang ding ahi zaw hi. Gal lai ahi zieh a galthu igen ahi simtu zousien akhietdan na theita un, Mangpan hing umpi chietta hen, Amen.

KROSS - PASIAN ITNA SUHLATNA

(Joh. 3:14-17; Rom. 5:8-9)

By:- Rev. Awnkhankhup
Kanan Veng

I Mangpa Jesu kiki behna Kross a chituomna leh lamdanna mama ahileh, shi theilou Pasion hing shina mun ahi. Tuami mai zong hilou in, sudamtu loupou leh Doctor Jesu, ama leh ama a kisuhdam theilouna mun ahi kia hi. Thamlou in, bangkim siemtu Pasion khu Kross ah dangtah ngawingawi in a shi a, ama siemsa mama leitung sung ah a luong a kisiel hi.

‘Namte Pa’ chi a na um M.K. Gandhi khu kum 1948 January, a shi ding kuon in West Bengal apat Delhi atung a, Hindu te leh Muslim te kal akidouna um tawpsah ding deina in ann a ngawl zel akichi hi. Tuahun lai in Khristian pawl khat ten a panlahna dante ngaisanghuoi sa in ava ve ua,, Pasion laa khat hing tel in len kang sah sah ding uh ava chi uhi. Ghandhi in, Khristian hilou nabi in Bible kasim zel a, Khristian thugin puonkchiehna laa hoi penpen khat hing sa un ana chi

zieh in ava peikhawm gingtuten i Labupi 119 na a Isac Watts in Galati 6:14 pansan a ana phuo ‘Kross danglam dan ka khuol lai in Loupina Mang hing shina khu, tel in ava sahsah uh akichi hi.

Thugentu khat in, Pasion itna khu khau (vau) kiziel lum lienpi bang hita leh, aban ban a phel ding hita lei, a thupinate, asienthounate, a dihtatnate, a silbawlnate aban ban in i phel suhsuh ding a, atawpna tah ah a ITNA ana um ding chi in ana gen hi. I Lasiengthou in ‘Pasion

khu ITNA ahi', ana chi mawng hi (I Joh. 4:8).

Tambang a Pasion itna tuibang a kichingkhawm, a khal (lom) a a Tapa Jesu a um pen, Kross tung a akikhai lai in, a ittu Pasion in Rom sepaite zang in teipi in a nah ah adawt a, tuachin a itna mantam tah khu khovel mite a dingin ahing luongkheta hi. Laphuohtu dang khat in zong 'Tuisuogiet luong bang hepina, athuh dan tephah lou hi', chi in ana phuoh hi.

Khovel a mikhiel pha penpen ten zong tam Pasion itna tuisuogiet bang a kikhoh vum, Kalvari muol sing Kross tung a pat khielte ngaidamna ding a hing luongkhie a thei chet chieng un, hamphatpi in a dampi ua, tua Kross ngaina in a mau a ding a shi Jesu a ding in ahing thei zel uhi. Ni danglaiin Sapgam New York khopi a Police hat penpen ten zong a mat zou ngailou uh, khamthei bawl zongsang, guta leh suomhat minthang Nicky Cruz kichi ana um hi. Pastor David Wilkerson thugen apat Pasion itna hing theikhie in a muchienta a, "David Wilkerson in galvan zang a hing suol hileh hing zou ngai sih va, hinanleh ka gensiem lou Pasion itna toh ahing suol ziehin kapang zou sih" ana chi hi.

I Mangpa Jesu Kross a akikhai lai a ama toh kikhaikhawm migilou

nite lah a khatpa pen in, a khelna zieh a thuoh tah leh shitah ahi dan kitheichien in, khelna neilou a khaikang a um Jesu kung ah a khelna kipuongkhie in, ngaidamna atang chi thu zong imu uhi (Luk 23:32-43).

Sap gam mamam Chicago khopi a D.L. Moody in hundamna chielpi a bawl lai in, migilou, Pasion gensia leh ama kithasawm tangval khat in Worship Team in, 'Mang Khrist hing zuon in vah mangsawt lou in' chi asah uh Biehinn pulam a pat ana za a, tua laa kisaging azah in a lungsim a zou mama mai hi. A gamtatdan a ngaituo chieng in ngaidamna muthei dingin zong aki gingta zou nawn sih hi. Lasa pawl ten, 'Kum nempisung vah mangsan nan le chin, hing na ngah leng hi bang muonpi na hei' chi ahing sah kia tah un, tangval pa zong pang zou nawn lou in va tailut in, 'Mangpa'n ka khelna hing ngaidam zou sih va' chi in ava kap hi. D.L. Moody in zong, Jesu'n Kross tung a akikhai lai in, suomang a zietlam a kikhaipa zong a hundam a, ama khailia te zong a ngaidam chi in ana gen pi hi. A theisiem sem na ding chi in, 'Chicago khopi ka hing pei ding lai in zong Jesu'n tuabang a migilou tangval pa zong ka it ahi, hing hil in, chi in hing thutah achi chieng in tangval pan Jesu hing zuon in

Kross a ngaidamna ana tang ta chi in a kigen hi.

Tam Kross silbawlthei dan leh a manphat dan theisiem in, Sawltah Paul in zong, “Hinanleh kenvang i Mangpa Khrist Korss loungal ka suon lou ding dandan....”, ana chi hiel hi (Gal. 6:14). I thupatna

lam a Isac Watts labawl igentah uh Labupi 119 na tang 2na ah, ‘Ka Pasion Khrist shina (Kross) loungal, suonding bangma neising Mangpa’, ana chi bang in Jesu Khrist gingtuten i suon ding dang bangma um lou in, Ama shina Kross ma suon penin nei zel va ui chi in iki ngen uhi.

“KA MANGPA JEP UN KROSS AH KILBEH UH EI”

By Pastor M. Thangboi Zou
Area Pastor, Lamka East Division

Bible Tangtel:

i). “Tuachi’n aman (Pilat) Baraba khu a kung uah, a hakheta a, tualeh Jesu a jep a, kilbeh dingin a pe tahi” (Mathiu 27: 26). ii) “Tualeh Jesu a jep zouin Kross a kilden dingin a pe tahi” (Mak 15: 15.b). iii) “Tuachi’n Pilat in a thum veina dingin a kung uah, ‘Bang ziehin ahiei, Aman bang a bawl khiel a ahiei? shina khop hiel a tung ah bangma ka mu sih hi’ Tuaziehin ka jepsah dinga, ka hakhe mai ding hi’ achi hi” (Luk 23: 22).

Thumapui:

Kum 2024 a mikhielte khelna thaman hing peding a Kross ahing hing shi i Mangpa Jesu shini “Good Friday” zang kia thei dinga chidam ludamna hing pieh a, tami Article gielthei dia hunlem hing bawlsah Mangpa Jesu min ka phat masa hi. “Good Friday” Sermon ding ka gel lain, tami ka lungsung ah hing um in, laibu bangja ahiei kaikhawm in ka hing giel a, buchin louna gam a khosah nalai a kihi nalai man in, abuchinglou leh genval seng a up leh Pasion leh

simtu zousie na ngaidamna uh ka hing ngen masa hi.

1. “JEPNA TOH KISAI EN MASA VAI”

Jep ichi chiengin ahousim abang hi. Hinanleh nidanglai a Rom Sepaite jep a um ding pen sil kilawphuoi ahi sih hi. Juda vaihawmtute’n zong migiloute a jep ua, hinanleh Judate leh Romte chidan aki bangkim sih hi.

2. “JESU KI JEPNA KHAUHUOL BANG CHI BANGA KIBAWL AHIEI?”

Ni danglai-in miten ki jepna ding in “Savun khauhuol abawl ua, abul (a tuna ding) ding ding (wood)” ana zang uhi. Tamna Savun khauhuol khu, “Savun khat bou kizang lou in, Savum thum pen hoitah nou a kihenkawm (eg. bawng khau banga)- a kibawl ahi.” A kihenkawm na sungah “Sagu athem a hiem deudeute ahilou leh Siazum them bang toh akihenkawm/ kizielkawm a kibawl ahi hi.” A khen chiengin Sagu dingin Belam gu akizat hun zong aum hi.

3. “MI AKI JEPCHIENG IN”

Judate hunlai a mi koi zong Dan (law) palsan, migiloute a jep ding chiengun, aki jep dingpen khu, “a Puonna sil kisutsah in, Guotang (Puon sillou) in aumsah ua, Khuom (Pillar) khat ah, akhut kansah in a kunsah uhi” akichi hi. Judate Mishna in agen dan in, “Jep a um ding mi pen a anglam (mailam) ah 13-vei a kijep masa a, tuajou chiengin a anungzang 26-vei ajep kie uhi.” A nungzang (a ellam)- pen seni in akhen ua (i) A veilam lieng (ii) a Zietlam lieng in akhen uhi. A Veilam lieng ah 13-vei a jep zoh chiengun kihei phe in, a Zietlam lieng 13-vei ma ajep kieh uhi, tuateng igawm khawm leh 26-vei a nungzang kijep, china ahi hi.

A tahsa tunga kijep na teng

igawm khawm leh 39-vei apha hi. Judate Dan in “Mi khat a kizawm in 40-vei jep pen phal ahisih hi” (Danp. 25: 3). Judate Dan in khatvei thu a mi khat 40-vei jep ding phal ahisih a, nanleh Rom miten tabang in Dan (Law) anei sih uhi. Romte dan in, “Jep a umpen a shilou pou leh jep thei ahia, hizat vei jep ding chi Dan anei sih ua, nanleh mi jep lu pen phal ahisih hi.”

Tamna kijepna Khauhuol ah, Sagu leh Siazum them hiem toh henkhum a mi ajep chiengun, a tahsa tung uh ki-jepna mapon leh sisan in adim mai uhi. Tabang a kijep a shiloute khu, “A hinkhuo uah poilong (mi bang nonlou) in aum hi” akichi hi. Mi khenkhatte lah akijepna khauhuol in a mit (eye)- a jep kha in, khuo muthei louin ahinkhuo uah mittaw (blind) in aum uhi. Mi khenkhatte lah, a Nagu a jep tongsah kha uhi. Tabang a mulkimhuoi tah a kijep khu Rom dan Law in Rom mite jep phal ahisih hi.

4. “JESU A JEP UH”

A tunglam a igensa ma bangin, kijep pen thuohzaw ding guol hilou ahidan leh amulkimhuoi dan igenta ua, thamlou in, “Rom dan (law) in tabanga kijep pen Rom mite jep phal ahisih” chi theina pi un, Juda miten i Mangpa Jesu jep din apha ua, Jerusalem kithawng

zen in akikou uhi. Juda mite'n vang Mangpa Jesu ajep sih ua, Rom sepaite'n ajep ding in aphut uhi. I gensa ma bangin Juda dan in mi khat akizawm a 29-vei jep phal ahisih a, nanleh Rom miten tabang in Dan anei sih ua 40-vei zong ajep thei (tuasang a amzaw zong) ua, jep a um pen a shi lou pou leh tampi vei jep thei ahi.

Rom dan a ut zat veivei jep thei ahilai in, I Mangpa Jesu khu 39-vei ajep un, akhawl tamai uhi, bangzieh in, ichileh, "a kijepna ding mun amu nawnlou, a tahsa pumpi kijepna mapon, sisan adim, tabang a jep a aumlai in, I Mangpa Jesu'n a Kam aka sih a (siemna thu genlou), athuoh paupau a, athuoh pumpum in Na MIN amanghil votsih hi."

5. "A PUONSIL A SUTSAH ZOU UN BANG ALOH UAI?"

Mathiu 27: 29 nan, "Linglukhu aphan ua, akhusus ua, akhut Zietlam ah Pumpeng chiengkhut khat atawi sah ua, amai ah a khupdin ua, Judate Leengpa! Chin chiemnui bawl nan anei uhi".

i) "Linglukhu" tami khu "Ling" apat kibawl ahia, tami a khusus u'leh, a Ling hiemten a Lu vun asun a, a sunglam suh khah hi. Lu ichi chiengin, sisan tamna mama khat ahi hi.

ii) "Pumpeng Chiengkhut" Kumpite'n vai ahawm chiengun "Chiengkhut" atoi leng uhi. Hinanleh tamna kumpite Kumpipa Mangpa Jesu atoi chiengpen "Pumpeng Chiengkhut" ahi hi. Leitung kumpite'n avaihawm chieng ua atoi "Chiengkhut" khu "Sana leh Dangka, mantam tah a kisiem te atoi ua, nanleh Mangpa Jesu'n eite khelna man pedia Kross a aup lain achiengkhut khu sim senglou a kibawl atoi hi."

6. "JESU'N KROSS POJOU LOU"

Kross a mi khailup a aum ding chiengin, khailup aum ding pen in Kross kipuosa uhi. Kross a khuom leh a zawlpen khatvei thu a puodin, gimthuohna tuanua ua apuo ding un koiman pojoulou ding ahiman in a zawl pen bou aposah uhi, akichi hi. Misiemte gendan in Jesu'n a puo Kross ahileh agihdan 34-57 vel a gih ahi (Jn. 19: 17). Akimat zan akipat kisoisa, annle-tui dawnlou, thamlou a imulou ahiman in, sisan tampi asennuo a Kross podia kisawl ahaiman in, pojou lou in, kiliep hi. Tuachin a puopi dingin, Sairin khuo a mi Simon, Alexander leh Rufus khu aman ua aman apuopi hi (Mak. 15: 21). Simon ahileh Romte thuneina nuoi a um North Africa gam ahing kipan ahia, tua lampi ahingtot khah ziehin Jesu Kross puopi din force in Rom sepaiten aman/ azang uhi.

Mihing hina a Jesu thuohna ngaitua voi, gimtah a Kross a puo in, Lugu mun atun chiengin neukhat awldeu tading chi ahisih a, atun bei leh Khailie aum bei ding ahi nalai hi. Simon in Kross apuopi masang in, Jesu'n lamkal ah bangza vei akiliepi diei moh, na ngaituo kha ngai ei mah Sanggam.

7. "JESU'N KROSS APUO ZOULOU NA ZIEH KHU..."

I gensa mabang in, "Ki jepna khauhuol khu Sagu leh siazum hiem" zang a kibawl pen ah Jesu akijeop ahia, ajep dan uh ahileh, "Jesu khu a Puonate sutkhietsah in aum a, (guotang) Khuom ah a Khut in kum (bowdown) sah in akhi ua, tamna kijepna khauhuol toh ajep uhi." Tabang a mulkimhuoi, hepina neilou hiel a a kijep tah chiengin, "a tahsa pumpi kijepna mapawn in adim a, a sigui akijepna ziehin akitan, hamsatna chinteng athuoh nuo a Kross ki posah ahiman in, apojou tasih hi" (Mt. 27: 32, Luk 23: 26). Tuachia akijep zou in, a asilsah kia ua, leitung a lampi hasapen a kigen "Via Dolorose" akhietna ahileh "Lugu mun" ah apui ta uhi.

Kross pojou lou ding hiel a mulkimhuoi tah a akijepna zieh ahileh, "Eite (NANG) khelna zieh ahia, khelna thaman ahing piehsa ziehin, vuoh leh sat in aum hi. I

thuoh dingtang ang thuoh a, Ama thuohna vangin eite'n kumtawn hinna (damna) imu uhi" (Isai 53: 4, 1Pet. 2: 24).

8. "KROSS AH AKHAILUM UHI?"

Tuachin gim leh tawlma ma pum in akikhailie na mun ding Lugu mun kichi ahing tungta uhi. Bang dinga Lugu mun sese a Jesu akhialia uh adiei? Misiemte gendan in, "tam mun khu Mun kidoh, akimvel a pei zousie in agalmu pha ding uh, khuolz in lampeite zong agalmu na ding uah tami mun azat uh ahi", achi uhi. Tuachin amun ahing tun in Siakil zangin Kross ah akhaita uhi. Bang dinga Jesu Zuthuoh apie uh e? Tami toh kisai ngaidan tapi aum thei dinga, nanleh mawltah leh tomkim agen ding in, "Kross a khailia a umten, anat thuoh joulou a aum chieng ua, anat thuoh nopna ding (tulai ham hileh Pain relelp RP) a a apieh uh ahi, hinanleh Jesu'n adawn nuom sih hi" (Mak 15: 33). Gendan dang khat ah, "Rom sepaiten mi khailup a umten tam Zuthuoh (auin leh murra kihal) adawnsah zel uhi, aziehpén Siakil a kikil pen anat thuoh la a, ahing kitun chieng ua et hamsa, ahilou leh Kross akipat kesuh thei ahi chiengun, tam Zuthuoh dawn uleh, kham ding un, tuachia khopholou a shi ding uh"

chi ngaituona anei zieh ua apieh uh ahi hi.

Migilou khen khatte Kross ah akhailie chiengun Khau akan ua, hinanleh Jesu pen Khau zanglou in Siakil in akil uhi. Tuami bang zieh adiei? Laisiengthou in “Akhut leh a kengte Siakil in akil ding uhi” chi athugen atangtunna ding ahizaw hi (Luk 24: 39). Sam gieltu in, “A ziehpen uiten a hing imkuol ua, migilou kikhawmten kei a hing im chimit ua, ama un ka khut leh ka kengte avut uhi” (Luk 22: 16) chin agan gen hi.

Jesu'n Kross a shi kuon a athugen 7-te anuoi ah en vai:

i) “Pa aw amau ute ngaidam in, a silbawl uh a theilou zieh uh ahi” achi hi (Luk 23: 34). ii) “Chitahzet in kang hila hi, tuni'n ka kungah Pradise ah na um ding hi” (Luk 23: 43), tami khu Azieltam a kikhaipa kungah agen ahi. iii) “Numei en in na tapa, En in nanu!” (Jn. 19: 26-27). Tami khu Mari leh Johan kunga agen hi. iv) “Ka Pasion Ka Pasion bang dinga hing taisa na hiei” (Mt. 27: 46). v) “Ka dang atah” achi hi (Jn. 19: 28). vi) “Zaw ahita” achi hi (Jn. 19: 30). vii) “Pa na khut sungah ka hagau ka hing kem sah hi” achi hi (Luk 23: 46). Tam teng agenzaw in i Mangpa Jesu kross ah ashita hi.

Akhupsaitna:

Unaute aw, Bangza vei Good Friday na zang tai? chi dohna athupipen ahisih a, Jesu shina leh thuohna akipat bang na hundampa din na sang tai chi khu athupi pen ahizaw hi. Nang (eite) thuoh dingtang teng ahing thuoh a, athuohdan zong mihing thuoh guollou hinapin, ngaituo vawi, Nang (eite) ahing it man in “Na (pain) sa zong leh na salou bangin athuoh a, na minsiet ding tang teng minse tah in ahing thuoh a, nanleh nang ahing itdan NA MIN amanghil vawt sih a, na khelna kisia akunglam na zawt pou leh agenthei thuohna leh amuolphou na teng manghil a a hing ngaidam dia mansa aum ahidan” tutung Good Friday nazat na pan zilkhie in Jesu Khrist toh na kizawpna kum hisah din kang ngen hi.

Tutung Good Friday in, “Na lungtang tong akipat HOSANA chin Mangpa kungah kikou khie in, HOSANA na chi tah ngal leh Pasion leh Bible bangin gam tang in, HOSANA na chita ngal leh Jesu hing thupieh, ‘Nang ma na ki it bangin na innveng te zong it in’ achi pen zui in. Nang it leh Ka thupieh te zui in” achiteng na zui a, na hinpi ngei ngei leh tutung Good Friday nang adin atawpna hileh zong amang nawn sih ding

a, nanleh “Ahun ahing tung zieh, Gingu (Khristian innsung a pat pieng, nanleh Pienthana dihtah nei tuonlou) khat himan, lamkai khat hina jal a mang maimai na hileh Sanggam aw, nang adin Good Friday amanphatna (value) umlou ding hi”, manphatna umlou a Gingu khat in Good Friday zat mai ding pen na kiphal amah?

kingaituo tha in. tutung 2024 Good Friday nang adia tawpna hi taleh, bang na chi diei? Good Friday dihtah mangthei chiet ngeidin simtu zousie Mangpa Pasion in, lungtang kihong a kisiana toh Jesu Kengbul a kitulut a, manphatah leh lawching tah a (pientha dihtah nei a) vaiguon zangthei chiet din hing guolzawl taken, chi ka thumna ahi.

SUUNNA



(L) Upa Nangdolian suun na leh atanchin tomkim

(L) Upa Nangdolian khu (L) Ngulkhogin leh (L) Niangkhuptate Pasal 4 leh Numei 3 lah ah a 3-na ahia, 20/6/1962 in Lungthul khuo ah apieng hi. 1974 kum in Likhai ah Rev. Vungzalian khut ah Baptisma ana tang a, June 8, 1997 kum in Nu Thianneikim toh ana kiteng ua, Ta Pasal khat leh Numei khat anei hi. Atate: 1. Niangmuanching leh 2. Stephen Ginlamthang ahi.

Tualeh, November 4, 2018 ni in A 63- veina Presbytery Session Khawmpi Zomi Colony ah Rev. Zamlianpau khut ah Upa Ordination ana tang hi. Ama khu khotang leh Hattuum ngaina mi ahia, mi pawl nuom tah zong ahi. Tualeh Hattuum sung ah Local Chairman leh Local Secretary panmun zong ana tu a, tu-le-tu in zong Thinkangpahi V/A ah Finance atu laitah ahi. Tuachiin 2020 kum apat in Zunhum leh lungtang natna te ziehin Hospital leh innmun te ah etkol ahi nuo in date 11/3/2024 niin a it angai innsung mi, khosung mite leh Hattuum te nuosie Rev. Zamlianpau Executive Secretary in hanthawn thugen in Rev. Thangbawi Khuongsai a vui hi.

ZPWF Column

TUNNU LIMBEL PANPITE

February 2024

1. Niangneihoi, Tongdam	Rs.	500/-
2. Kaplianmung, Central Church	Rs.	10,500/-
3. Lunzangai, Central Church	Rs.	500/-
4. PWF Central Church - Anntang 131kg leh asum in	Rs.	3300/-
5. Thangsuankhup, Central Church	Rs.	500/-
6. Chingzanuam, Central Church	Rs.	100/-
7. Velzagin, Central Church	Rs.	500/-
8. Nousuanching, Central Church	Rs.	500/-
9. Manneihat, Central Church	Rs.	1000/-
10. PWF Tongdam, Anntang tang	Rs.	1350/-
11. Niangpi, Zomi Colony	Rs.	4000/-
12. PWF Chennai, Anntang tang	Rs.	2000/-
13. PWF New Zoveng Anntang 49kg		
14. PWF Singngat Anntang 80kg		
15. PWF Muollum Anntang 62kg		
16. PWF T.Tangnuam Anntang 37kg		
17. PWF Behiangjang Anntang 46kg		
18. PWF Lunjang Anntang 50kg		
19. PWF Tuilaphai Anntang 31kg		
20. PWF Aina Anntang 54kg		
21. PWF M. Muoltam Anntang 20kg		
22. PWF Mawngken Anntang 57kg		
23. PWF Gangpimuol- Anntang 26½ kg leh asum in	Rs.	50/-
24. Lalneitluangi, Simveng Fish 1kg		
25. Nu Chinzaluan, Kamdou veng Anntang 50kg		
26. PWF Maukot Anntang 35kg		

SUDIHNNA:

- * November-December Tangkou a PWF Muallum Anntang 21kg leh asum in 100 ki chipen PWF Mualtam Anntang 21kg leh asum in Rs. 100 chia sudih ahi.
- ** Tualeh PWF Muallum 120kg (September Tunnu Limbel Hachin Anntang)

THEISAHNA:

- * February Hachin Anntang ang submit man nailo te hakit a hing kisua ding ahi chi ka hing theisah sawnsawn hi.
Petu zousie Mangpa'n hing guolzawl taken.
NOTE: A dihrou kha aum le office a suhdih thei zing ahi.

Sd/- Nh. Christina Chinghatkim
Secretary for Women's Relation

ZPYF COLUMN

Pasian hoina leh a ittna zalin ZPYF in ahing tung dated 21st March, 2024 chieng in Presbyterian Church Zomi-Colony (ZPCS) a one day Seminar kinei ding ah tuanah I hun zat ding dante uh tahlang va ui,

DETAIL PROGRAMME:

- Puitu : Leader/Secretary ZPYF
- Vaiguon honna : Rev. Ginzalal, Moderator ZPCS
- Paper 1 (10:30am - 12:30pm) : Dr. S. Thangboi Zou,
Assistant Professor
- Topic : “Khristian Khanglai leh
Social Media”
- Tea Break Tea Break Tea Break
- Paper 2 (01:00pm-02:30pm) : Upa Khaiminlian,
Assistant Professor
- Topic : “I gam buaina leh
Khristian Khanglaite din mun”
- Kipah thugenna : Rev. Zamlianpau,
Executive Secretary i/c Youth
- Vaiguon khahna : Rev. Dr. Hangpi Manlun,
Sr. Executive Secretary ZPCS

-
- Dated 10th March, 2024(Sunday) in Khristian Khanglai Pawl
General Conference 13 veina a delegates akuonte :
 - 1. Shie Sienminlian, Asst.Leader
 - 2. Tv. L. Kamkhenhang. Secretary
 - 3. Nh. Naomi Goulianching, Youth Co-ordinator

Tuanah, Shie Sienminlian,Asst. Leader in greeting message genna nei in Statistic report zong pia hi.

Mangpa muong a i kal suannate uh Ama'n hing lawchingsahta hen.



T. Naomi Goulianching
Youth Co-ordinator
ZPYF

PATRON MEMBER-TE

001. Upa Gouzamang	002. Pu Hav. Khamchinkhup	003. Pu Khamzalam	004. Pu Chinzasuan
005. (L) Upa Liansuanpau	006. Pu Khamchinthang	007. Pu S. Dalthang	008. Upa Kapkhanthang
009. (L) Upa Langginmang	010. Upa S. Nangkhanlal	011. Pu S. Lamkhotang	012. Upa Dr. M. Lachinkhai
013. Upa Khamchinjam	014. (L) Upa D.K.Manlun	015. Upa Suankhanmang	016. (L) Upa Khupgou
017. (L) Upa Chinkham	018. Upa Ngulchinkham	019. (L) Rev. V. Vungzalian	020. Rev. Retd. Kamkhosoi
021. Rev. Tualzachin	022. Rev. H. Nengzaton	023. Rev. Awnkhankhup	024. Rev. Dr. Hangpi Manlun Zou
025. (L) Pu Tuanzapau	026. (L) Rev. Ginchinjam	027. (L) Rev. Khamzasuan	028. Upa T. Lamkhotawng
029. Upa Khaichinmang	030. Rev. Stephen Chinzathang	031. Pu Khupkhanmang	032. Pu Khaidohlian
033. (L) Hav. Khamzahang	034. Pi Vungzanuam	035. Pu T. Gouzadou	036. Upa Liensuonkap
037. Pi Zeklhochiin	038. Pi Hatkhanvung	039. (L) Pi Ngaihoiching	040. Pi Mankhannieng
041. Pu Goukhanmang	042. Pi Chingzalam	043. Pu S. Thianzakhai	044. Pi Kamkhanching
045. Pu Haukhanpau	046. Pu Tuallianmang	047. (L) Pu Dongkap	048. (L) Pi Chingkhanmang
049. Pi Donkxonian	050. Upa Henzakhup	051. (L) Pu Saichinpau	052. Pu Goumang
053. (L) Upa Khamkhanhang	054. Shie Laangkhanlal	055. Upa Khamkhanlun	056. Upa L. Tualkhanpau
057. Upa Jamsianmung	058. Upa Ginzadong	059. Upa Kaizathang	060. Pi Goizanuom
061. (L) Pi Thangneivah	062. Pu Khamzathang	063. Pi Donchin	064. Upa Liankhanmang
065. Pu Hauchinlun	066. Pu T. S. Lal	067. Pi Goichiin	068. (L) Pu T. Khupchinthang
069. Upa T. Kaizalam	070. Pu Paul Henkholal	071. (L) Pu Soikham	072. (L) Rev. P.C. Manga
073. Rev. Khamchinkhai	074. Rev. Zamlianpau	075. Rev. Chinzapau	076. (L) Rev. Kamkhozam
077. (L) Upa Chinpu	078. Pu Zamkhanthang	079. Pu Chinglen	080. Miss Chinhaunieng
081. Upa P. K. Soia	082. Pu Goujakhai	083. Pi Niangkhanmang	084. (L) Evan. G.L. Joshya
085. Pi S. Chingkhanmang	086. (L) Pu Vumchinkhup	087. Upa Khaihenthang	088. Upa T. C. Pau
089. Upa Nengchinkap	090. (L) Upa Jamkhongam	091. Upa HT Manga	092. Nu Vahkolhing
093. Pu Hauliankap	094. Pi Chinnu	095. (L) Upa Ngulzakhai	096. (L) Upa T. Gougin
097. Pu Ginsuanhau	098. (L) Upa Langminthang	099. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thatang Taihul	104. Pu Kamkhankap
105. Evan. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. (L) Rev. Mangsuanthang	115. (L) Pu Lamchinhou	116. Upa Pauchinlel
117. Nu Kimneihoi	118. Upa Kamgenpau	119. Nu Niangsuanuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. (L) Upa Lunchinthang
129. Pu P. Tongthang Zou	130. Pu H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munlao	134. Pu Sianzakhai	135. Upa Thanggingsuan	136. Pu Kapminlun
137. Pi Tingzavah	138. Dr. M. Limlunthang Zou	139. Rev. Hauzalian Manlun	140. Rev. Suangliankap
141. Rev. Ginlianmang	142. Upa L. Mangminthang Zou	143. Upa Goukhanthang	144. M. Thangsuanasang Zou

LIFE MEMBER-TE

001. (L) Upa T. Khupkhenpau	002. (L) Pu M. Ginzahau	003. (L) Pu Selzapau	004. Pu L.C. Pautungnung
005. (L) Pi Khamkhanneing	006. Pi Ngainuam	007. Upa Chinsuanthang	008. Upa Shanti Kumar
009. Pu Kamkohou	010. (L) Pu Khamkohou	011. Upa Khamzathang	012. Upa Chinkhanthang
013. (L) Pu Tongzathang	014. Pi Chiinneilam	015. Upa Kulthang	016. H/Sm. Upa Kaichinpau
017. Pi Niangzalam	018. Upa P. Doukholun	019. Pu Kapminlian	

Sundered

Please return to:

The Editor

KHRISTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
